

Broj: 01-06-06/3-14-2-934
Sarajevo, 24. 3.2020.

Na osnovu člana 22. Zakona o unutrašnjim poslovima Federacije Bosne i Hercegovine ("Službene novine FBiH", broj: 81/14), člana 64. stav (1) tačka (a), člana 69. stav (1) tačka (a) i člana 70. Zakona javnim nabavkama („Službeni glasnik BiH“, broj 39/14), Rješenja Ureda za razmatranje žalbi BiH, Filijala/Podružnica Mostar, broj: JN2-03-07-1-1-98-8/20 od 27.02.2020. godine na preporuku Komisije za provođenje postupka javne nabavke radova po LOT-ovima u toku 2020. godine putem otvorenog postupka, federalni ministar unutrašnjih poslova, **d o n o s i**

O D L U K U

o zaključivanju okvirnog sporazuma za javnu nabavku radova po LOT-ovima u toku 2020. godine putem otvorenog postupka za LOT 2 – molersko farbarski radovi u toku 2020. godine za potrebe Federalnog ministarstva unutrašnjih poslova - Federalnog ministarstva unutarnjih poslova

I

U skladu sa Rješenjem Ureda za razmatranje žalbi BiH, Filijala/Podružnica Mostar, broj: JN2-03-07-1-1-98-8/20 od 27.02.2020. godine, prihvata se Preporuka Komisije za provođenje postupka javne nabavke radova po LOT-ovima u toku 2020. godine putem otvorenog postupka i Okvirni sporazum za nabavku LOT 2 - molersko farbarski radovi u toku 2020. godine, putem otvorenog postupka pokrenutim objavljivanjem Obavještenja o nabavci, broj: 405-1-3-62-3-45/19 od 5.11.2019. godine na Portalu Agencije za javne nabavke i u „Službenom glasniku BiH“, broj 74/19 od 8.11.2019. godine **zaključuje se sa ponuđačem „COLOREX“ d.o.o. Mostar**, koji je dostavio ekonomski najpovoljniju ponudu, koja ispunjava sve uslove predviđene Tenderskom dokumentacijom za dostavu ponuda, sa ukupno 100 bodova, u iznosu od 55.200,00 KM (bez PDV-a), odnosno 64.584,00 KM (sa PDV-om).

II

Obavezuje se Sektor za materijalno-finansijske poslove Federalnog ministarstva unutrašnjih poslova da prilikom pripreme za dodjelu okvirnog sporazuma postupa u skladu sa odredbama Zakona o javnim nabavkama BiH („Službeni glasnik BiH“, broj 39/14).

III

Ova odluka objavit će se na web stranici Federalnog ministarstva unutrašnjih poslova u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u postupku javne nabavke.

IV

Ova odluka stupa na snagu danom donošenja.

Obrazloženje

U otvorenom postupku javne nabavke radova po LOT-ovima u toku 2020. godine za potrebe Federalnog ministarstva unutrašnjih poslova – Federalnog ministarstva unutarnjih poslova (u daljnjem tekstu: Ugovorni organ) pokrenutim objavljenom Obavještenju o nabavci, broj: 405-1-3-62-3-45/19 od 5.11.2019. godine, objavljenom na Portalu Agencije za javne nabavke i u „Službenom glasniku BiH“, broj 74/19 od 8.11.2019. godine za LOT 2 – molersko farbarski radovi Ugovorni organ je blagovremeno zaprimio tri ponude i to:

Redni broj	Naziv ponuđača	LOT	Vrijednost ponude sa popustom i bez PDV – a
1.	„KULA MONT“ d.o.o. Zenica	LOT 2	55.125,00 KM
2.	„COLOREX“ d.o.o. Mostar	LOT 2	55.200,00 KM
3.	„KRISTAL“ d.o.o. Živinice	LOT 2	78.975,00 KM

Komisija za provođenje postupka javne nabavke radova po LOT-ovima u toku 2020. godine putem otvorenog postupka imenovana Rješenjem federalnog ministra unutrašnjih poslova, broj: 01-07-07/2-14-2-934 od 20.11.2019. godine, izvršila je verifikaciju kvalifikacije ponuđača, te je utvrdila da su ponude ponuđača „KULA MONT“ d.o.o. Zenica i „COLOREX“ d.o.o. Mostar prihvatljive za Ugovorni organ jer sadrže sve elemente tražene u Tenderskoj dokumentaciji, odnosno zahtjeve ugovornog organa, a da ponuda ponuđača „KRISTAL“ d.o.o. Živinice nije prihvatljiva za Ugovorni organ jer ne sadrži sve potrebne dokumente koji su traženi u Tenderskoj dokumentaciji i to: Izjavu o prometu u segmentu poslovanja koji je predmet ugovora za 2017. i 2018. godinu ili od datuma registracije, odnosno početka poslovanja, ako je ponuđač registriran, odnosno počeo s radom prije manje od dvije godine (**izjava ovjerena kod nadležnog organa**), a što je traženo u tački 13. podtačka f) Tenderske dokumentacije. Takođe, ponuđena cijena u ponudi je znatno veća od procijenjene vrijednosti javne nabavke. Naime, u Tenderskoj dokumentaciji tački 4.2 procijenjena vrijednost javne nabavke je 57.000,00 KM bez uključenog PDV-a, a ponuđena cijena ponuđača „KRISTAL“ d.o.o. Živinice je 78.975,00 bez PDV-a.

Na prijedlog Komisije Ugovornog organa, Ugovorni organ je donio Odluku o zaključivanju okvirnog sporazuma za javnu nabavku radova po LOT-ovima u toku 2020. godine putem otvorenog postupka za LOT 2 – molersko farbarski radovi u toku 2020. godine za potrebe Federalnog ministarstva unutrašnjih poslova - Federalnog ministarstva unutarnjih poslova, broj: 01-06-06/3-14-2-934 od 27.12.2019. godine kojim je dodjelio Okvirni sporazum za nabavku LOT 2 – molersko farbarski radovi u toku 2020. godine ponuđaču „KULA-MONT“ d.o.o. Zenica o čemu je obavijestio ponuđače i dostavio im primjerak navedene odluke.

Na odluku o zaključivanju okvirnog sporazuma ponuđač „COLOREX“ d.o.o. Mostar, je nakon što je izvršio uvid u ponudu ponuđača „KULA-MONT“ d.o.o. Zenica, blagovremeno uložio žalbu. Žalitelj „COLOREX“ d.o.o. Mostar je izjavio žalbu na odluku zbog pogrešno i nepotpunog utvrđenog činjeničnog stanja, pogrešne primjene materijalnog prava i povrede upravnog postupka. Žalitelj u žalbi smatra da je Ugovorni organ pogrešno i nepotpuno utvrdio činjenično stanje ocijenjujući ponudu ponuđača „KULA MONT“ d.o.o. Zenica kvalificiranom i tehnički zadovoljavajućom, iako se radi o nepotpunoj i neurednoj ponudi koja nije u cijelosti popunjena u skladu s zahtjevima iz Tenderske dokumentacije, a što je imalo za posljedicu pogrešnu primjenu Zakona o javnim nabavkama i Zakona o upravnom postupku. U skladu sa članom 100 stav (5) Zakona o javnim nabavkama Ugovorni organ je žalbu sa izjašnjenjem na navode na žalbu dostavio Uredu za razmatranje žalbi BiH, filijala Mostar.

Ured za razmatranje žalbi BiH, Filijala/Podružnica Mostar (u daljnjem tekstu: Ured za razmatranje žalbi BiH) donio je Rješenje, broj: JN2-03-07-1-1-98-8/20 od 27.02.2020. godine kojim je usvojio žalbu ponuđača „COLOREX“ d.o.o. Mostar kao djelimično utemeljenu i poništio Odluku Ugovornog organa, broj: 01-06-06/3-14-2-934 od 27.12.2019. godine, te predmet vratio Ugovornom organu na ponovni postupak.

Ured za razmatranje žalbi BiH je u obrazloženju rješenja naveo da je žalba žalitelja, da ponuditelj „KULA MONT“ d.o.o. Zenica nije dostavio nijednu potvrdu o uspješno izvršenim radovima koji su predmet nabavke (molersko-fabrarski radovi), a u vezi sa zahtjevom iz tačke 12. c) Tenderske dokumentacije, neosnovana jer je dostavljenim potvrdama koje se odnose na rekonstrukciju i sanaciju objekata izabrani ponuditelj ispunio zahtjev Ugovornog organa iz Tenderske dokumentacije, jer je Tenderskom dokumentacijom zahtijevano da su radovi po karakteru slični molersko-fabrarskim radovima, te je našao da je osnovan navod žalitelja da izjava dobavljača („KULA MONT“ d.o.o. Zenica) o građevinskim mašinama i tehničkoj opremi kojom raspolaže u svrhu izvršenja ugovora nije potpuna i tehnički zadovoljavajuća jer ne sadrži podatak kojim građevinskim mašinama i kojom tehničkom opremom izabrani ponuditelj raspolaže u svrhu izvršenja predmetnog ugovora kako je to zahtijevano tačkom 12. c) Tenderske dokumentacije, što nije u skladu sa članom 57. stav (1) Zakona o javnim nabavkama koji propisuje da su ponuđači dužni prilikom pripreme ponude da se pridržavaju zahtjeva ugovornog organa iz Tenderske dokumentacije, kao i da je osnovan navod žalitelja da izjava dobavljača („KULA MONT“ d.o.o. Zenica) koja sadrži obrazovne i profesionalne kvalifikacije izvođača radova i kvalifikacije rukovodećeg osoblja i naročito kvalifikacije osoba koje su odgovorne za izvođenje konkretnih radova nije potpuna i tehnički zadovoljavajuća jer ne sadrži obrazovne i profesionalne kvalifikacije izvođača radova i kvalifikacije njegovog rukovodećeg osoblja i naročito kvalifikacije osoba koje su odgovorne za izvođenje konkretnih radova kako je to zahtijevano tačkom 12. c) Tenderske dokumentacije, što nije u skladu sa članom 57. stav (1) Zakona o javnim nabavkama koji propisuje da su ponuđači dužni prilikom pripreme ponude da se pridržavaju zahtjeva Ugovornog organa iz Tenderske dokumentacije. Zbog navedenog Ured za razmatranje žalbi BiH je u obrazloženju rješenja naveo da su navodi žalitelja djelimično utemeljeni, zbog čega je žalbu usvojio, poništio Odluku o zaključivanju okvirnog sporazuma za LOT 2, te predmet vratio Ugovornom organu na ponovni postupak, **u kojem će postupati po stavovima iznesenim u ovom Rješenju i donijeti odluku u skladu sa Zakonom o javnim nabavkama i podzakonskim aktima.**

Komisija za provođenje postupka javne nabavke radova po LOT-ovima u toku 2020. godine putem otvorenog postupka je postupajući po Rješenju Ureda za razmatranje žalbi BiH, broj: JN2-03-07-1-1-98-8/20 od 27.02.2020. godine, ponovno izvršila evaluaciju ponuda.

Pregledom, analizom, razmatranjem i ponovnom ocjenom ponuda, a u skladu sa članom 65. Zakona o javnim nabavkama BiH, Komisija je konstatovala sljedeće:

Ponuda ponuđača „KULA MONT“ d.o.o. Zenica nije prihvatljiva za Ugovorni organ iz sljedećih razloga:

- što dostavljena izjava o građevinskim mašinama i tehničkoj opremi kojom izvođač raspolaže u svrhu izvršenja ugovora nije potpuna i tehnički zadovoljavajuća jer ne sadrži podatak kojim građevinskim mašinama i kojom tehničkom opremom ponuđač raspolaže u svrhu izvršenja predmetnog ugovora kako je to zahtijevano tačkom 12. c) Tenderske dokumentacije, što nije u skladu sa članom 57. stav (1) Zakona o javnim nabavkama koji propisuje da su ponuđači dužni prilikom pripreme ponude da se pridržavaju zahtjeva ugovornog organa iz Tenderske dokumentacije,
- što dostavljena izjava dobavljača koja treba da sadrži obrazovne i profesionalne kvalifikacije izvođača radova i kvalifikacije njegovog rukovodećeg osoblja i naročito kvalifikacije osoba koje su odgovorne za izvođenje konkretnih radova nije potpuna i tehnički zadovoljavajuća jer ne sadrži obrazovne i profesionalne kvalifikacije izvođača radova i kvalifikacije njegovog rukovodećeg osoblja i naročito kvalifikacije osoba koje su odgovorne za izvođenje konkretnih radova kako je to zahtijevano

tačkom 12. c) Tenderske dokumentacije, što nije u skladu sa članom 57. stav (1) Zakona o javnim nabavkama koji propisuje da su ponuđači dužni prilikom pripreme ponude da se pridržavaju zahtjeva ugovornog organa iz tenderske dokumentacije.

Ponuda ponuđača „COLOREX“ d.o.o. Mostar je prihvatljiva za Ugovorni organ jer sadrži sve elemente tražene u Tenderskoj dokumentaciji.

Ponuda ponuđača „KRISTAL“ d.o.o. Živinice nije prihvatljiva za Ugovorni organ jer ne sadrži sve potrebne dokumente koji su traženi u Tenderskoj dokumentaciji i to: Izjavu o prometu u segmentu poslovanja koji je predmet ugovora za 2017. i 2018. godinu ili od datuma registracije, odnosno početka poslovanja, ako je ponuđač registriran, odnosno počeo s radom prije manje od dvije godine (**izjava ovjerena kod nadležnog organa**), a što je traženo u tački 13. podtačka f) Tenderske dokumentacije. Takođe, ponuđena cijena u ponudi je znatno veća od procijenjene vrijednosti javne nabavke. Naime, u Tenderskoj dokumentaciji tački 4.2 procijenjena vrijednost javne nabavke je 57.000,00 KM bez uključenog PDV-a, a ponuđena cijena ponuđača „KRISTAL“ d.o.o. Živinice je 78.975,00 bez PDV-a.

Polazeći od gore navedenih konstatacija i činjenica, a u skladu sa Rješenjem Ureda za razmatranje žalbi BiH po ovom predmetu, uvažavajući pravna shvatanja i upute istog u daljnjem postupku i tačkom 20. Tenderske dokumentacije - kriterija za dodjelu Okvirnog sporazuma, Komisija je utvrdila da je ponuda ponuđača „COLOREX“ d.o.o. Mostar, za LOT 2 – molersko-farbarski radovi u toku 2020. godine, ekonomski prihvatljiva ponuda, sa ponuđenom cijenom u iznosu od 55.200,00 KM bez PDV-a i ukupnom cijenom u iznosu od 64.584,00 KM sa PDV-om, garantnim rokom od 24 mjeseca i da je cijena ponude u okviru procijenjene vrijednosti javne nabavke od 57.000,00 KM bez PDV-a, te je navedena ponuda dobila maksimalnih 100 bodova.

Shodno kriterijumu za dodjelu ugovora iz Tenderske dokumentacije, a na osnovu člana 64. stav (1) tačka a) Zakona o javnim nabavkama („Službeni glasnik BiH“, broj: 39/14) i postupajući u skladu sa Rješenjem Ureda za razmatranje žalbi BiH u ovom predmetu, Ugovorni organ vođen Izvještajem o radu Komisije i preporukom o zaključivanju Okvirnog sporazuma, odlučio je kao u dispozitivu ove Odluke.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi BiH, u pisanoj formi u roku od 10 dana od prijema iste. Žalba se podnosi putem Ugovornog organa u 3 primjerka, a u skladu sa odredbama Zakona o javnim nabavkama.



MINISTAR

Aljoša Čampara

Dostaviti:

1. Ponuđačima x3
2. Sektoru za materijalno- finansijske poslove FMUP-a,
3. Kabinet ministra, Odsjek za odnose sa javnošću
(za potrebe objave na internetskoj stranici FMUP-a-Ugovornog organa)
4. U spis

SM/ZK

FMUP- ODL